



Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. II. An furtum sit peccatum ex genere suo mortale, & unde ejus materiæ
gravitas desumatur?

urn:nbn:de:hbz:466:1-40013

Infero tertio marito fieri veram injuriam, licet det consensum in uxoris adulterium; quia uxor independenter à viri consensu obligatur vi contractū matrimonialis adhærere soli marito. Gen. 2. *adhærebit uxori sua, & erunt duo in carne una,* atqui obligatio vi contractū est obligatio ex Justitia Cardenæ ad proposit. Innocent. XI. *Dissert. 30. n. 24.*

Infero quartò solutio usuræ respectu fœneratoris, & pecunia promissæ la-

troni, aut cujusvis promissionis gravi metu injustè extortæ non cessat continere injuriam, quia nullo titulo transfertur jus in fœneratorem aut latronem; non in fœneratorem titulo mutui, alias transit in illum jus ex debito, repugnat autem ut titulo mutui sit debitum dandi usuræ: Patiter in latronem nequit transferri, nisi mero titulo promissionis gratuitæ quæ, ut transferat, debet esse libera ab omni coactione.

§. II.

An furtum sit peccatum ex genere suo mortale, unde ejus materiae gravitas desumatur.

284. **D**ico primò furtum est peccatum ex genere suo mortale cum S. Thom. *q[uod]st. 66. Art. 5.* est de fide ex 1. Cor. 6. *Neque fures, neque rapaces Regnum DEI possidebunt,* & ex præcepto septimo Decalogi, non furtum facies: prohibita autem in Decalogo esse ex genere suo mortalia docet Christus Matthæi 19. requiriens Decalogi observantiam ut necessariam ad salutem. Ratio etiam est: quod illud sit mortale, quod ex proprio suo objecto gravitatem continet, sive ut loquitur Haunoldus cuius levis prohibitio non sufficit ad præcavenda damna ex peccato secutura, si hoc non esset graviter prohibitum; tale autem est furtum.

Difficultas modo est, quanta debeat esse materia, ut ex genere suo furti objecrum contineat gravitatem? concordant

omnes, requiri quantitatem, quæ ablati proximo inferat notabile damnum, at hoc ipsum non constat, quantum esse oporteat illud; ut notabile censeatur. Hac in re quot capita, tot ferè sententiae.

Duo sunt extremè oppositæ, ad quarum unam referuntur ceteræ: Prima negans dari quantitatem absolutam in persona extranea, quæ respectu omnium statuum hominum sit notabilis, sed dunt taxat respectiva, id est, per ordinem ad personæ furto damnificatae fortunas magnas, vel medicores aut pauperes, item ad tempus, scilicet, an sit rerum caritatis, aut abundantia; ad locum, ubi magna, aut exigua reperitur pecunia, dum hæc auferuntur. Ratio, quia gravitas furti provenit ex damno proximo injustè illato, atqui non omnes patientur æqua-

N n 3

le

le damnum semper , nec ubique ex eadem re ablata , ergo rei ejusdem ablatio nec respectu omnium , nec respectu ejusdem omni tempore , & loco est æquale damnum , ergo ut sit grave damnum major requiritur materia respectu unius , quam alterius . Hanc sententiam docent plurimi distinguentes quatuor horum classes .

Prima comprehendit Reges , & magnos divites (secundum Haunoldum ille solum dicitur formaliter dives , qui abundat rebus ultra quam sit necessarium ad conservationem sui statūs , quem profiteretur) five illos omnes , qui secundum statutum suum splendide alunt familiam .

Secunda communes seu mediocriter divites . Tertia mechanicos , seu ex arte , & opere viventes . Quarta pauperes seu mendicato viventes ,

Respectu primæ classis asserunt esse gravem materiam unum aureum , alij scutum , seu coronatum . Respectu secundæ quatuor regales , five argenteos , italice Julios , valet autem Julius apud Busenbaum nostrates undecim crucigeros , secundum Laym . L. 3. tract . 3. p. 1. c. 1. num . 2. quatuor , aut quinque pazios Respectu tertiarum duos regales & respectu quartæ unum , à qua sententia non mutum discrepat Laym . num . 3.

Coincidit Gormaz *Disput . 13. n. 693.* docens ut penseretur gravitas injuria in bonis fortunæ attendendam esse qualitatem personæ , postea *num . 699.* statuit , quod sufficit ad materiam gravem unius diei viæus personæ , cui sit furtum , proportionatus , hanc autem victus proportionem exponit à *n. 712.* advertens victus nomine hic intelligi solum esum , & potum (servus vestitus) necessarium ad vitam alien-

dam exclusis delicijs , & delicatis cibis , prœinde se extendentem ad parvas alimonias unicuque necessarias , & proportionatas personæ , cui sit furtum ; earum valorem respectu pauperum asserit esse unum julium , respectu Regis valorem unius scuti , tandem *nun . 718.* concludit , victum præfatum unius diei ita esse materiam gravem furti , ut omnis ea minor censenda sit levis , ne autem lector legens apud Doctores quatuor allatas classes patiatur æquivocationem . Notat ad materiam gravem non requiri in quavis classe integrum quantitatem relatè ad quodvis individuum sub illa contentum , cum inter individua scujusvis aliqua diversitas inveniri possit prudentum judicio solum metienda : unde per illam classium distinctionem significatur , quod E. g. in prima aureus aut scutum relatè ad omnes sit materia gravis , & sic de reliquis .

Secunda sententia contendit pro quantitate absoluta assignanda (non habita ratione personarum , quibus sit furtum) sufficientem ad mortale ex objecto , seu ex genere suo etiam respectu ditissimi Principis . In hac autem assignanda mire variant Doctores . Navarrus enim determinat dimidium julium ; Salas unum ; Lessius cum Medina duos , Valentia cum Rebello tres , Sanchez cum communiore quatuor , Vega quinque . Giatinus quantitatem congrue sustentationis hominis plebæ unico die pro cibis ordinarijs , vestitu & habitatione sufficiente ad bonam sui conservationem absque luxu , qualem cibum , & potum communiter habent cives & opifices . Hanc sententiam approbat Haunol . tract . 2. n. 329 . eam brevius comprehendens , nempe mercede diurnâ , quam Plebeius opifex

mere-

meretur, opifex inquam, qui non sit meritus operatus (qualis est fossor, cui merces diurna est) gravis materia respectu eorum, qui non habent pingues facultates secundum Molia. *Disput. 585. n. 2.* aureus autem respectu cuiusvis etiam Rgis) quam mercedem in Bavaria vicinisque partibus putat communiter esse medium florentum.

285. Dico secundò esse nimis lacram, & improbabilem Sententiam alerentem apud Petrum Navar. *L. 3. de restit. c. 1. n. 31.* nec centum aureos sufficere ex natura rei ad mortale furcum!, uti etiam Bannez *2. 2. q. 66. Art. 6.* excusantem à mortali filium furantem prædiviti Patti quinquaginta aureos, & officialem Regium dispensatorem multorum millium aureoram, usurpantem 100. aut 100. Ratio: quia prudens ferè omnium judicium tantæ summae jacturam ex se consideratæ censeret gravem, & quia etiam plerique prudentes viri existimant, unum aureum esse gravem materiam, sententia postulans plus duobus aureis videtur esse evidenter falsam. Ex opposito opinio Navarti de dimidio Julio, & Salas de uno ex opposito prudentum consensu etiam est falsa; Lessij, Valentiae, & Rebelli accedit ad nostram mox asserendam.

Sententia stans pro quantitate respectiva est practicè probabilis, utpote gravissimorum Doctorum, uti sunt Lugo, Laym, Bonnacini, aliisque plures: probabilior tamen mihi videtur assignans quantitatem absolutam sufficientem ad vitam nostram diurnam commodè transigendam in sensu Haunoldi & Giatini expositam, qualis vita est media inter pauperiores, & ditiones, horum enim vita est nimis

splendida, pauperum vero nimis misera, ergo media est commoda (hæc sententia etiam respectu Principis plus non requirit, uti requirit Gormaz cum alijs vietum proportionatum personæ, cui auferitur) unde cum non ubique eadem summa pecunia sufficiat, quo commodo diurno vieta, quanta tali tempore, & loco est necessaria, tanta requiritur ubi pro mortalifurto, ita, ut infra eam quantitas censenda sit levis.

Pars prima de probabilitate practica respectivæ quantitatis suadetur tum auctoritate Doctorum tum praxi confessiorum, ac solutione Argumentorum contra eam objectorum ab Esperza, quæ solvit Haunold, à n. 292.

Pars secunda, de probabilioritate quantitatis absolutæ probatur: Ea quantitas sufficit pro furto mortali, cujus ablato in Substantia nocet cuivis graviter; sed ablato quantitatis sufficientis ad commodam diurnam sustentationem cuivis graviter nocet, ergo. Major est omnium minor probatur, ejus quantitatis ablato cuivis graviter nocet, quæ impedit finem in bonis fortunæ à natura intentum: finis enim in his bonis principaliter intentus non potest non esse magna naturæ commodum; econtra ejusdem impeditione & jactura necessario graviter cuivis nocet, hunc finem impedit ablato quantitatis sufficientis pro commoda diurna sustentatione: vita enim est primum hominis bonum, fortunæ bona natura destinavit primario ad vitam alendam, ergo naturæ finis in fortunæ bonis principaliter intentus est commoda diurna sustentatio, nempe ne sentiamus molestias famis, & sitis, & similium, ergo, ejusmodi medium à natura principaliter intentum est valde vi-

tae commodum; utpote depulsivum tanti diurni incommodi, ergo etiam à contrario ablatio aut impeditio talis medijs depulsivi tanti mali, quale est fames & sitis urgens diurna est graviter vita incommoda, seu graviter nocet.

Pars tertia sequitur ex secunda: quia quantitas insufficiens ad congruam sustentationem à natura principaliter intentam ex nullo capite censenda est materia gravis, unde dato quod florenus medius sit valor commodæ congrue sustentationis accipiens unico obulo minus non peccat mortaliter mortalitate furti. Haunold. n. 330. post Tannerum, nam etiam in naturalibus saepe minimæ qualitatis aut quantitatis adjectione tota natura mutatur: sic lignum de non igne transit in ignem adjecto solo gradu octavo caloris, gutta unica adiecta cæteris mergit navim, ictus de se levis additus prævijs, occidit alias non moriturum, unde nego quod, ægre prudenter ferre possit is (qui bene ponderat diminutionem unius obuli) si in hac suppositione quis fureretur illi minus obulo, quam sit medius florenus: unde obulus est ultimum indivisibile constitutivum medijs floreni.

Nagandum pariter est juxta hanc Sententiam, quod commoda sustentatio in eadem Regione sit inæqualis: verum est plus insumere Principem, quam di-

vitem, plus hunc, quam communem Opificem &c. ast nego illum excessum spectare ad commodum, seu ad frugalem, sed ad splendidam sustentationem.

Verum est, quod ditione defectum quantitatis sufficientis pro commoda sustentatione facilius repareret, quam communis civis, aut pauper, dum ex hoc adversarij inferunt sic: ergo non æquè sentiunt damnum, sed ubi non est æquale damnum, non est æquale peccatum furti, juxta nos autem foret æquale. Respondeo Distinguo consequens non æque sentiunt damnum substantiale Nego consequiam, quod unus præ alio difficultius possit reparare damnum non provenient ex Substantia rei ablata, sed ex circumstantia extrinsea, quæ accenseri debet damage emergenti, gravitas autem furti nequit desumti ex hac secundi generis difficultate, alias furtum 200. aureorum factum habenti annua 4000. aureorum non foret mortale, utpote facilius reparabile ob præsentiam alterius pecunia, quam damnum unius aurei in communione opifice: igitur solùm probat Argumentum, quod respectu Principis aut divitis &c. non sit mortale quoad circumstantiam datni emergentis ex reparabilitate, secùs quoad substantiam. Per hanc facile soluta manent argumenta adversariorum,

